

## I. ERANSKINA: IRUZURRAREN AURKAKO BORROKARI BURUZKO ADIERAZPEN INSTITUZIONALA

Arrasateko Udalak Berreskuratze, Eraldaketa eta Erresilientzia Planean erakunde betearazlearen funtzioak beteko ditu.

Ildo horretan, arau juridiko, etiko eta moralak betetzeko estandar altuenekin duten konpromisoa adierazi nahi du, bai eta integritate-, objektibotasun- eta zintzotasun-printzipio zorrotzenekin bat egiten duela ere, haren jarduera harekin harremana duten eragile guztiek iruzurraren eta ustelkeriaren aurkakotzat har dezaten, edozein modutan ere.

Bere zerbitzura dauden langileek, enplegatu publikoak diren aldetik, "honako betebeharrak hauek dituzte, besteak beste: interes orokorrak zaintzea, Konstituzioa eta gainerako ordenamendu juridikoa errespetatuz eta betez, eta printzipio hauen arabera jardutea: objektibotasuna, osotasuna, neutraltasuna, erantzukizuna, inpartzialtasuna, konfidentzialtasuna, zerbitzu publikorako dedikazioa, gardentasuna, eredugarritasuna, austeritatea, irisgarritasuna, eraginkortasuna, zintzotasuna, ingurugiro kulturalaren eta ingurumenaren sustapena, eta gizonen eta emakumeen arteko berdintasunarekiko errespetua" (5/2015 Legea, urriaren 30ekoa, Enplegatu Publikoaren Oinarrizko Estatutuarena, 52. artikulua).

Politika horren helburua erakundearen barruan iruzurrezko jarduera oro saihestuko duen kultura sustatzea da, jarduera horiek prebenitu eta detektatzea erraztuko duena, eta kasu horiek kudeatzeko prozedura eraginkorrak garatzea sustatuko duena.

Erakunde betearazle gisa, Arrasateko Udalak beren gain hartutako eginkizunetan sartzen da iruzurraren aurkako neurriak abian jartzea, Europako Erkidegoko araudian ezarritakoaren esparruan eta proportzionaltasun-irizpideei jarraiki. Era berean, prozesuen arduradunen eta kudeatzaileen laguntza du, bakoitzak bere erantzukizun-arloaren barruan barne-kontrolerako sistema egokia dagoela ziurtatzeko eta, hala badagokio, neurri zuzentzaileak ezartzeko behar den arreta bermatzeko.

Arrasateko Udalak iruzurraren aurka borrokatzeko neurri eraginkorrak eta proportzionatuak jarriko ditu abian, aurreko esperientzietan lortutako eskarmentuan eta iruzur-arriskuaren ebaluazioan oinarrituta.

Era berean, atzemandako irregulartasunak edo iruzur-susmoak salatuko ditu, barneko jakinarazpen-kanalen bidez, eta betiere agintaritza arduradunarekin, kontrol-agintaritzarekin, Iruzurraren Aurkako Koordinaziorako Zerbitzu Nazionalarekin eta Iruzurraren aurka Borrokatzeko Europako Bulegoarekin lankidetzan. Txosten guztiak konfidentzialtasun zorrotzenarekin eta gai hori arautzen duten arauen arabera tratatuko dira.

Azken finean, Arrasateko Udalak Iruzurraren eta ustelkeriaren aurkako politika sendo bat eraiki nahi du, kontrol-sistema bat ezarriz, ahal den neurrian, iruzurrak atzeman, prebenitu eta, gertatuz gero, horien eragina zuzentzeko. Hori guztia bete ahal izateko, oinarrizko hiru printzipio beteko ditu bere jardunean: osotasuna, inpartzialtasuna eta zuzentasuna.

Arrasate, 2022ko uztailaren 19an